



**IMPORTANT NOTE 重要告示:**

This script is only for reference purpose. Rights for performance or adaptation is protected by copyright and their permission must be sought from the author.

以下劇本只作參考用途，如欲採用或改編，須先取得作者同意。

**Name of School** : LINGNAN SECONDARY SCHOOL

**學校名稱** : 嶺南中學

**Name of Play 劇名** : 飯 tastic

**Script writer 劇作者** : 紅灰劇社全體師生

**Synopsis 故事大綱:**

兩個不同世代的人，因緣巧合彼此認識，延續著幸福的味道。

1982年的霞姨與瑩姐姨是中學同學，雖然二人因在課室煮煲仔飯被老師處罰，但從此與煲仔飯結下不解緣，她們合伙在油麻地開煲仔飯店及派飯，幫助區內有需要的人。三十年後同一個課室，正南與阿TA在課室煮麵被老師發現，「處罰」的方法就是到霞姐和晴姐的店舖學煮煲仔飯及派飯，過程中漸漸領略到幫助弱勢社群的珍貴之處。



**IMPORTANT NOTE 重要告示:**

This script is only for reference purpose. Rights for performance or adaptation is protected by copyright and their permission must be sought from the author.

以下劇本只作參考用途，如欲採用或改編，須先取得作者同意。

第一場 (1982 VS 2022)

大炮陳： (拎住本書) 大家打開《國史縱論》第 139 頁，上堂講到唐朝盛世，唐太宗知人善任，用人唯賢，不問出身，因此能夠從各階層搵好多傑出人才.....  
(1982課室)

CK W： 大家立即開始做，做係 B 簿，打鐘前做完呢幾頁呀！仲有咩！我成日講做數時要高度集中，心無旁騖，一子錯滿盤皆落塑，錯一個 step 都成題錯  
(2022 課室)

翠瑩： 正喎，呢個砂煲細細個都俾你搵到！  
(1982 課室)

正南： (拎大枝樽裝水)  
(2022 課室)

彩霞： 屋企拎出嚟架，我見呀媽放係灶底，都有咩點用。你夠勁啦，買到咁靚嘅臘腸  
(1982 課室)

阿TA： (拎煲&公仔麵)  
(2022 課室)

翠瑩： 細聲啲啦！大炮陳聽到架啦！我唔知靚唔靚架，見屋企有就拎番嚟囉！呀，仲有仲有，差啲唔記得，仲有隻鹹蛋！係咪可以加埋？(拎住一孖臘腸研究點切)  
(1982 課室)

彩霞： 該得掛，唔理啦，帶左返嚟就照加啦！  
(1982 課室)

阿TA： 喂喂.....點知幾時水滾呀  
(2022 課室)

正南： 低能！出煙咪滾囉！記得襟蓋呀！仲有加調味粉同麻油呀  
(2022 課室)

大炮陳： (聞聞下咁樣) 咩味呀？好似.....有啲濃濃地嘅味  
(1982課室)

翠瑩： 有咩？唔覺喎！咩味呀... ..  
(1982 課室)

彩霞： 係啦！有咩味呀！陳 Sir 你講解得好吸引，我嘅思緒直頭陷入咗係唐朝！你繼續講書啦，我好想聽呀！  
(1982 課室)

CK W： 咩味呀？好似.....有啲濃濃地嘅味  
(2022 課室)

正南： 有咩？唔覺喎！咩味呀... ..  
(2022 課室)

阿TA： 係啦！有咩味呀！  
(2022 課室) Miss Wong，我..我地好專心做緊數！唔覺咩！



**IMPORTANT NOTE 重要告示:**

This script is only for reference purpose. Rights for performance or adaptation is protected by copyright and their permission must be sought from the author.

以下劇本只作參考用途，如欲採用或改編，須先取得作者同意。

- 大炮陳： 唔係喎，好大陣味喎！係後面！  
(1982課室)
- CK W： 唔係喎，好大陣味喎！係後面！  
(2022 課室)
- 翠瑩： 陳 sir，陳 sir，講書啦！後面冇嘢喎！  
(1982 課室)
- 正南： Miss Wong！Miss Wong！我地做緊數咗！後面冇嘢喎！  
(2022 課室)
- 大炮陳： 吓，豈有此理，係度煮飯！即刻同我熄爐，跟我去訓導處！  
(1982課室)
- CK W： 吓，豈有此理，係度煮麵！即刻同我熄爐，跟我去訓導處！  
(2022 課室)
- (2022年)  
(訓導處)
- Miss Cook 你兩個咁鬼鍾意煮嘢食咩？鐘意到上緊堂都要煮呀？
- 正南 Miss Cook，唔係呀，就咁嘅，你知啦，而家返半日呀嘛.....
- 阿TA 係囉，Miss Cook，1 點 30 先落堂，班主任講多幾句攞到 1 點 45 先落堂，返到屋企成 2 點 30 先有飯食喎.....
- 正南 其實真係好肚餓架... .. 你知啦，我地發育時期，真係要食多啲嘢架嘛.....
- Miss Cook 講完未呀你兩個！藉口多多！肚餓就係課室煮麵，咁眼瞓係唔係即刻杭張床出嚟瞓呀！我洗唔洗幫你襟埋被呀！
- CK W 我真係俾你兩個激死，gas 爐呀！係 GAS 爐呀！有咩意外，成間課室爆炸咁點算呀！就係你地要煮一個麵，我地成班 32 個人陪葬呀？
- 阿TA Miss Wong.....咩年代咗，今時今日啲爐點會咁易爆炸喎.....
- Miss Cook 仲駁嘴咗！個大過就一定要記架啦！洪正南、陳利他，我會打電話俾你地兩個嘅家長，交代記過安排！
- 阿TA Miss Cook，俾次機會啦！唔係一嚟就記大過啦！俾我呀爸知道，我死硬架！
- 正南 Miss Wong 呀，你人美心善，唔好記我地大過啦！我地最多.....最多.....參加你義工隊所有嘅活動，任勞任怨，做牛做馬.....



**IMPORTANT NOTE 重要告示:**

This script is only for reference purpose. Rights for performance or adaptation is protected by copyright and their permission must be sought from the author.

以下劇本只作參考用途，如欲採用或改編，須先取得作者同意。

- CK W            哦.....做義工服務.....咁又唔錯嗎！反正我果個社會服務體驗計劃咁啱仲有兩個位剩。
- 阿TA            係啦係啦，做義工好吖，學你話齋要分享啲幸福俾人吖嘛，我地兩個上刀山落油鑊都有問題架！
- Miss Cook    Miss Wong 罰你唔等於我唔會紀律處分！大過要照記！
- 阿TA/ 正南    吓.....
- Miss Cook    吓咩吓，仲唔返上去上堂，又想搏懵呀！



**IMPORTANT NOTE 重要告示:**

This script is only for reference purpose. Rights for performance or adaptation is protected by copyright and their permission must be sought from the author.

以下劇本只作參考用途，如欲採用或改編，須先取得作者同意。

第二場：我為人人？

(瑩姨同霞姨鋪頭「幸福煲仔飯」)

CK W 各位同學，行過黎呢邊呀！  
瑩姨同霞姨鋪頭係呢邊，入面地方有限，大家唔該盡量行人少少。

瑩姨 各位同學仔好呀！你地係邊間中學呀~

CK W 我地係杏壇中學嘅同學仔呀，瑩姨你好，今日嚟打攞晒啦！

瑩姨 杏壇中學？咁啱嘅，我都係杏壇中學畢業架！講起都係好多年前嘅事囉！

CK W 原來係學姐，真係有緣啦！今次真係要請學姐同我地同學仔分享一下，你派飯嘅經驗，等佢地都明白服務社群係一件幸福嘅事！

正南 (細細聲向阿 TA 講) 做義工，冇錢收，仲話幸福，CK Wong 明顯傻架啲！

阿TA (細細聲回應正南) 佢一向都係超級正能量，樣樣嘢都講幸福呀，感恩呀咁架啦！是但啦，求其敷衍派兩盒飯就算啦！

瑩姨 我呢間鋪頭係油麻地開咗都有成 25 年，一直都係主力做基層市民生意，招牌菜就係「臘腸鹹蛋」煲仔飯，陣間都可以俾大家試吓呀！

同學 A 瑩姨，我應該冇睇錯？你個度寫住 25 蚊一個煲仔飯？25 蚊？點做呀？邊有錢賺呀？

同學 B 係啦，我地學校附近最平個間兩餸飯，最平都要 30 蚊啦！你 25 蚊仲要包秘製涼茶任飲，邊有錢賺呀？

(同時，正南，阿 TA 企係旁面，拎 D 瓦煲同臘腸嚟玩，一個攻一個守)

霞姨 賺錢都係要嘅，不過維到皮，養得到班夥計我就 ok 架啦！唔洗賺盡嘅，做人最緊要係幫到人就盡量幫，用自己嘅能力去幫有需要嘅人，咁先活得有價值。

(其他同學邊聽邊寫筆記，有同學影相做紀錄)

(爛玻璃聲：噉鈴)

(正南、阿 TA 同時呆定，極度驚嚇表情)

同學們 哦，佢兩個打爛咗個瓦煲呀！

同學們 仲整跌晒啲臘腸呀！

CK W 洪正南、陳利他！你兩個有冇離譜啲呀！